

XXXVIII CARREIRA PEDESTRE POPULAR DA AMAÍA

REGULAMENTO

O Concello de Brión, coa colaboración co Club Deportivo Brión Hyupersa Santiago, organiza a XXXVIII edición da súa carreira popular o sábado 2 de outubro de 2021 a partir das 17 horas nas inmediacións do Parque de Pedrouzos (ao lado do Campo de Fútbol Municipal de Brión) baixo o control técnico do Comité Galego de Xuíces da Federación Galega de Atletismo (Delegación de Santiago). Esta carreira é unha proba oficial da FGA con distancia non homologada.

NORMATIVA XERAL

A XXXVIII CARREIRA PEDESTRE POPULAR DA AMAÍA rexeráse polas actuais regulamentacións de Seguridade Viaria do Estado e da Comunidade Autónoma de Galicia, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 2003, sobre a contratación do seguro de responsabilidade civil e de accidentes).

A proba estará subscrita ao seguro de responsabilidade civil do Concello de Brión. Tamén contará con un seguro de accidentes que terá as coberturas mínimas esixidas no Real Decreto 849/1993.

Así mesmo a proba contará cun servizo médico-sanitario composto dunha ambulancia e un médico.

A organización resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade, circunstancias que serán comunicadas aos participantes con tempo suficiente.

No caso de que para o día de celebración da proba se decrete unha alerta laranxa a proba será suspendida automaticamente.

A carreira contará co protocolo Anticovid -19 (FISICOVID – DXT GALEGO).

PARTICIPANTES

Poderán participar atletas tando federados como non federados, maiores de 6 anos, con uns límites de 50 participantes en cada unha das categorías SUB 8, SUB 10, SUB 12, SUB 14 E SUB 16 e 400 participantes nas categorías adultas (de SUB 18 a MÁSTER).

Tódolos participantes deben recoñecer estar en perfecto estado físico e de saúde ó realizar a inscrición e no momento da proba.

Toda persoa que corra sen estar inscrita, farao baixo a súa responsabilidade e non poderá participar de trofeos nin de clasificacións. Tampouco estará amparada polos seguros da proba.

As persoas participantes na XXXVIII CARREIRA PEDESTRE POPULAR DA AMAÍA estarán rexidos pola conducta "fair play" e comprométese a levar durante a realización da mesma un comportamento leal e sincero ademais de correcto no deporte, en especial fraterno cara o contrincante, respectuoso coa organización e correcto cos asistentes.

Os atletas con licenza pola FGA deberán competir coa camiseta oficial do clube e terán que aterse ao regulamento de Disciplina Deportiva en vigor.

Nesta proba a participación de atletas extranxeiros e de outras federacións autonómicas rexirase de acordo co disposto no artigo 3.4. do "Reglamento para las competiciones de la temporada de campo a través, marcha, carreras en carretera, y reuniones de pista cubierta y aire libre" da tempada 2021. Máis información de esta norma na ligazón:

https://www.rfea.es/normas/pdf/reglamento2021/05_ReglamentoCompeticion.pdf

CATEGORÍAS, DISTANCIAS, HORARIOS E CIRCUITO

Na presente edición da proba establécense as seguintes categorías, distancias e horarios:

	CATEGORÍA	NADOS/AS	DISTANCIA	HORARIOS
MENOS/AS	SUB 8	2014/2015	400m.	17:00h.
	SUB 10	2012/2013	700m.	17:10h.
	SUB 12	2010/2011	700m.	17:20h.
	SUB 14	2008/2009	2000m.	17:30h.
	SUB 16	2006/2007	2000m.	17:45h.
ABSOLUTA	SUB 18	2004/2005	5.000m.	18:00h.
	SUB 20	2002/2003	5.000m.	18:00h.
	SUB 23	1999 - 2000 - 2001	5.000m.	18:00h.
	SENIOR	1998 - 1987	5.000m.	18:00h.
	MASTER 1	1986 - 1982	5.000m.	18:00h.
	MASTER 2	1981 - 1977	5.000m.	18:00h.
	MASTER 3	1976 - 1972	5.000m.	18:00h.
	MASTER 4	1971 - 1967	5.000m.	18:00h.
	MASTER 5	1966 - 1962	5.000m.	18:00h.
MASTER 6	1961 e anteriores	5.000m.	18:00h.	

A recollida de dorsais poderá realizarse o venres día 1 de Outubro (opción recomendada) na Casa da Cultura do Concello de Brión en horario de 9 a 14 e de 16 a 20h. e o propio día da carreira dende as 16h ata 30 minutos antes do inicio da proba nas inmediacións da liña de saída. Non se poderán formar aglomeracións e de formarse cola deberá respectarse a distancia de 2 metros entre persoas.

A proba absoluta da XXXVIII CARREIRA PEDESTRE POPULAR DA AMAÍA realizarase sobre un circuito de 5000m. aprox. (98% asfalto e 2% terra en bo estado). En canto aos circuitos das carreiras de menores desenvolveranse nas inmediacións do Campo de Fútbol Municipal do Concello de Brión.

Ao finalizar a proba todas as persoas participantes recibirán un avituallamento líquido na liña de meta.

Tanto nas categorías absolutas como nas menores as saídas realizaranse en grupos de 10 en 10 atletas en intervalos de 20", segundo os horarios previstos. Isto poderá cambiar dependendo das medidas COVID-19 vixentes no momento de realización da proba.

INSCRICIÓN, PREZOS E SISTEMA DE CRONOMETRAXE

As inscricións realizaranse a través da páxina web www.carreirasgalegas.com, ata o 29 de setembro ás 14:00h. ou unha vez se completen o total das inscricións ofertadas. **NON SE ADMITIRÁN INSCRICIÓNS FORA DO PRAZO ESTABLECIDO NIN POR OUTROS MEDIOS.**

Para o control de tempos da carreira todos os participantes deberán levar un CHIP que lles será entregado xunto co seu dorsal.

Os prezos de inscrición serán os seguintes:

- | | |
|--|----------|
| - Sub 8, Sub 10, Sub 12, Sub 14 e Sub 16 | GRATUÍTO |
| - ADULTOS (de Sub 18 a Máster) | 5€ |

O/A atleta que non porte o chip-dorsal en todo momento non poderá entrar na clasificación da proba.

O chip-dorsal é persoal e intransferible polo que a suplantación da personalidade dos atletas, sancionarase coa expulsión da carreira. Así mesmo anularánselle todos os dereitos adquiridos coa inscrición na mesma.

Os deportistas inscritos comprométense a aceptar estritamente o presente regulamento e calquera posible modificación.

A realización da inscrición implica ter lido, entendido e adquirido os compromisos que a continuación se expoñen:

- O/A atleta inscrito/a declara que está en bo estado físico e ten pasado os pertinentes recoñecementos de saúde.
- Calquera atleta con problemas médicos (alerxia, atencións especiais,...) deberá facelo constar no reverso do dorsal da proba.
- O atleta inscrito autoriza e acepta a publicación do seu nome e apelidos e a súa imaxe nas clasificacións, medios de comunicación e internet,(...) para a promoción do deporte. Calquera persoa inscrita poderá prohibir a utilización da súa imaxe previa solicitude expresa por escrito.

As persoas non inscritas oficialmente e que tomen parte da carreira a modo particular, sen ser autorizadas polo organizador, non están amparadas polos seguros da proba.

Todos os participantes na proba, polo mero feito de realizar a inscrición na carreira popular, aceptan todas e cada unha das regras do presente regulamento e no caso de dúbida, sempre prevalecerá o criterio da Organización.

CLASIFICACIÓNS E PREMIOS / TROFEOS

Establecerase unha clasificación individual segundo o tempo invertido en completar o circuito da proba e unha clasificación por categorías. As diversas clasificacións poderan consultarse na páxina web: www.carreirasgalegas.com.

Outorgaranse trofeos aos tres primeiros da cada categoría tanto feminina como masculina.

Así mesmo recibirán trofeo e premio en metálico os tres homes e tres mulleres que completen o circuito da proba no menor tempo. Tamén haberá premios para os tres primeiros clubs federados clasificados. Os premios económicos estableceense da seguinte maneira:

	HOMES	MULLERES	CLUBS FEDERADOS
1º CLASIFICADO	250€ + TROFEO	250€ + TROFEO	250€ + TROFEO
2º CLASIFICADO	200€ + TROFEO	200€ + TROFEO	200€ + TROFEO
3º CLASIFICADO	150€ + TROFEO	150€ + TROFEO	150€ + TROFEO

Na carreira absoluta tamén recibirán trofeo os tres primeiros homes e tres primeiras mulleres clasificadas empadroados en Brión (para optar a este premios os atletas deberán estar correctamente empadroados no Concello de Brión no momento de formalizar a inscrición).

Os premios non serán acumulativos, de xeito que ningún corredor/a poderá recibir dous trofeos, exceptuando os correspondentes aos empadroados no Concello de Brión.

A entrega de premios celebrarase, segundo se indica no anexo NORMATIVA COVID-19, nas inmediacións da liña de saída/meta, 30 minutos despois de que o último participante finalice a proba absoluta.

Todas as persoas participantes recibiran como agasallo conmemorativo unha CAMISETA TÉCNICA cortesía da organización como recordo da súa participación.

Sistema de puntuación e clasificación por equipos

A clasificación por clubs será establecida a través dos 6 primeiros corredores que crucen a liña de meta no menor tempo, pola suma dos seus postos, gañando o equipo que menos puntos acade. En caso de empate gañará o equipo que mellor clasifique o seu 6º compoñente.

Os equipos poderán ser mixtos.

Só se admitirá a participación de clubs federados nos premios en metálico, que terán que remitir o listado dos atletas co selo oficial da Federación Galega de Atletismo ou no seu defecto da Delegación correspondente ó correo santiago@atletismo.gal no prazo de inscrición da proba absoluta. Na confección do clube non poderán entrar atletas pertencentes a outros clubs nin filiais do mesmo.

RECLAMACIÓNS

Todas as reclamacións deberán ser feitas verbalmente ao xuíz árbitro da competición, ubicado na zona de meta, non máis tarde de 30 minutos despois da publicación dos resultados oficiais que serán expostos en lugar visible pola organización.

DESCUALIFICACIÓNS

Os/as xuíces/as da proba e membros da organización reservaranse a facultade de descalificar ao infractor/a que realice calquera das seguintes irregularidades:

- Non leve o dorsal perfectamente colocado en toda a súa extensión na parte anterior do corpo.
- Manipule ou modifique o dorsal.
- Participe cun dorsal que corresponde a outro corredor.
- Non pase polos controis de carreira establecidos.
- Non realice o percorrido da carreira completo.
- Non atenda as indicacións dos membros da Organización ou xuíces.
- Entre fóra da hora prevista pola organización como tempo máximo de duración da proba.
- Pretenda participar na carreira popular sen terse inscrito previamente.
- Cometa conductas que a xuízo da organización da Carreira poidan ser consideradas como antideportivas.
- Se teña inscrito alterando os datos de forma maliciosa respecto aos que figuran no DNI ou ficha federativa.
- Manteña unha actitude groseira, violenta, ou que en xeral atente na contra do espírito deportivo.
- Manifeste un mal estado físico.
- Non facilite á organización a documentación que se lle requira.
- Incumpra calquera outra norma recollida nas normas de competición vixentes da FGA e RFEA para probas en ruta.

Tamén serán descalificados os/as corredores/as que non respeten as indicacións da Policía Local, Protección Civil, Garda Civil, Xurado, Servicios Médicos ou membros da Organización debidamente identificados.

Os/as corredores descalificados perderán o dereito a recibir calquera premio en metálico ou trofeo.

RESPONSABILIDADE

A organización non se fará responsable dos danos que puidesen causar ou causarse os participantes por imprudencias ou negligencias destes. Igualmente, o participante declara polo feito de inscribirse, baixo a súa responsabilidade, terse realizado o oportuno recoñecemento médico que lle permite estar en condicións óptimas para realizar a proba, eximindo á organización da devandita responsabilidade.

A organización dispón dun seguro de responsabilidade civil e accidentes deportivos que cubrirá as incidencias inherentes á proba.

NOTAS FINAIS

Non está permitido o acompañamento na proba de ningún vehículo alleo á organización; nin bicicletas, patíns ou persoas non inscritas na proba que poidan acompañar, avituallar ou marcar ritmos aos participantes.

ASISTENCIA MÉDICA: A organización contará con servizos médicos e ambulancia na zona de saída. Os servizos médicos e a organización da competición están facultados para retirar da carreira a calquera participante que manifeste un mal estado físico durante o desenvolvemento da mesma.

SEGURO: Todos os participantes estarán amparados por unha póliza de Responsabilidade Civil e accidentes deportivos, que cubrirá os accidentes que se produzan como consecuencia directa do desenvolvemento da proba. Quedan excluídos os casos derivados dun padecemento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde o mesmo. A inscrición implica ler, entender e adquirir

o compromiso que a continuación se expón: Certifico que estou en bo estado físico. Eximo de toda responsabilidade que da participación no evento puidese derivarse, á organización, patrocinadores comerciais ou sponsors, empregados e demais organizadores. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.

ACEPTACIÓN DO REGULAMENTO: Todos os participantes, polo feito de inscribirse e tomar a saída na carreira, aceptan o presente regulamento, e no caso de dúbida ou de xurdir algunha situación non prevista no mesmo, resolverase de acordo ao que dispoña o Comité Organizador e polas normas da FGA, RFEA e IAAF en vigor.

LOPD: Todos os corredores/as ó realizar a inscrición aceptan a publicación do seu nome e imaxe nas clasificacións, medios de comunicación e/ou internet.

CONSIDERACIÓNS FINAIS: Todo o non reflexado no presente regulamento rexirase polas normas vixentes da FGA e RFEA.

NOTA: Esta proba pertence ao Calendario Oficial da Federación Galega de Atletismo e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día e ranking popular de probas de ruta. En todo caso e tal como establece a lei de Protección de Datos, o/a interesado/a pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avenida de Glasgow ,13 - 15008 A Coruña.